

四明叢書

張宗祥



孔賈經疏

異同評

四明張氏約園開雕

序

昔馮山公送萬季野之京師序云經術之亡不亡於厭
薄者而亡於緣飾者然尙賴世有老師大儒窮年樸學
心知古人之意行己尺寸而特惜其抱雌節而不鳴於
世也壽鏞於象山陳伯弢亦云伯弢今世之老師也不
幸死矣豈惟壽鏞有交游零落之感而當風俗敗壞士
有市心緣飾爲工之日失此宿儒更安得不爲斯世惜
哉伯弢著述甚富他日綴學堂鉅著風行天下其學傳
而其人不死固不必爲故人悲獨念壽鏞自始輯鄉書

伯弢示我四端一曰甄錄二曰蒐輯三曰彙編四曰辨
訂千數百言俾遵而循之洎後將刻先公困學紀聞補
注馳書請讎校伯弢一一勘比使無毫釐之差其意尤
可感也積年往返遺墨俱存所以策勵壽鏞者備至風
義在師友之間久矣每有所得輒以相告如象山明應
侍郎遺集諱雪鷲象山志有臨川集象山雜稿姜白巖先生遺著是也今
皆未及見而遽死矣嘗云向年於學案校補頗多如見
王氏書可以無作壽鏞刻王履軒先生宋元學案補遺
成而伯弢亦不及見此則益爲悵然者也伯弢有子而

弟子著籍者尤眾其遺書之流布自有仔其責者且非
一鄉所得而私也然往者嘗以綴學堂經部稿孔賈經
疏異同評與史部稿歷代車戰考眎壽鏞矣因取孔賈
經疏評刻入叢書第七集而以選刻鄉書商榷書附之
是區區者何足盡伯攷顧其窮年樸學於此可見且聊
誌吾兩人夙昔相與之雅云爾是爲序時民國二十九
年九月世愚弟張壽鏞

先考行述

先考諱漢章譜名得聞字倬雲又字伯弢目髫齡時卽
不好弄喜讀書異於常兒先曾祖妣鄭太恭人鍾愛之
束髮就學從邑前輩林放卿虞竹亭遊二先生均器之
肄習時文外兼治經史先王父朝議公於是不惜重資
虔購羣書俾得日夜研究性雖不喜舉業然出其緒餘
恆驚儕輩清光緒壬午補縣學生乙酉得副貢戊子中
舉人名列前茅經藝獨冠場已丑會試薦而不售自茲
以後專研經史所造益深嘗與兒輩言生平爲學凡三

變其初肄業俞樾事德清曲園先生後以漢學文應辨
志精舍季課問業於定海黃元同先生盡取漢唐以來
至清先儒說經訂史之書而畢讀之知考據之學至難
雖大儒亦不能無失病乾嘉諸君子之攢程朱兼治漢
宋而不偏於一家中年鑒於國家多故默念知己知彼
之論乃取當時所出算術格致農學兵學外交諸譯著
一一加以研討冀於致國富強之術有所貢獻及其後
鑒於清廷變法多枝節爲之而歐風東漸異說並興人
心浸已不正於是深惟經正民興之義仍返求之於經

學窮年兀兀雖老髦而不少懈蓋好學深思由博返約
有不同於淺陋之士者當其開卷有得輒記錄之積久
而著作等身年三十始刻印綴學堂初稿二冊其後每
一書成卽自收弃弗以銜人然單篇劄記諸學報雜誌
爭載之七十二歲始編著綴學堂叢稿目錄已付鉛印
成書者初集十種未刊行者都凡九十一種又有未列
入叢稿目中者約十餘種其著述可謂富矣先考一生
精力萃於著作者半而殫於教育事業者亦半性旣不
耽利祿故戊戌大挑二等以教職用丁未考職得廣東

候補直隸州州同均未出仕宣統元年浙當道保送考入京師大學經科肄業民國元年改入史學門二年春畢業卽在北京大學充任國文系哲學系史學系教授兼充高等警官學校教員師範大學講師政府以積著勞勩頒給四等嘉禾章晉給三等嘉禾章十五年請長假旋里原擬杜門著書以竟所學十六年中央大學校長張乃燕電邀赴京又派代表賁書來請其時北京大學校長劉哲亦以電邀赴舊都俱不果往十七年始應南京之聘任中央大學教授兼史學系主任越三年以

袁老堅辭職學生挽留不允所請而歸嗣後廣東重慶各大學迭以文電敦請爲教師均不復出蓋欲完成舊稿藏諸名山也當其教授南北各大學也纂輯講議昕夕從事不敢苟且及其登臺口講指畫粉書黑板盡數方敷陳使無贅義諸生暇時請益則詳細披示不憚煩煩十餘年如一日焉其誨人不倦以廣教澤也如此又居京之日交遊多海內宿儒如膠州柯鳳孫閩縣陳石遺桐城馬通伯姚仲實餘杭章太炎蘄春黃季剛吳縣汪旭初泗陽張蔚西諸先生皆時相過從賞奇析疑

暇則爲文酒之會其論學取友以多聞見又如此先君
一生制行謹飭事先王父朝議公王母余太恭人及繼
祖母許李二太孺人曲盡孝養三叔父得英早卒遵祖
母李命命不孝慶粹爲之後以承歡心其待諸族父友
愛皆篤親戚中表綢繆恩紀平居夙興夜寐未嘗書牋
治理家務之外手披一編無倦容自奉儉約嗇於衣食
而酷嗜藏書不論版本研究國學之典籍購備無遺不
孝等幼時先考課之嚴經必成誦乃已稍長教之讀史
及自中學入大學又常誨以溫習經史亦猶古人遺子

一經之志也先考居鄉時對於地方公益諸事多所盡力光緒三十二年邑令黃羨欽敦請出任象山縣勸學所總董勸導城鄉設立小學三十餘所斥其私財創設東陳小學不邀獎敘同年黃令又訂鄉約以立自治之基延爲總董次年春在縣城創辦師範講習所以宏師資嗣因赴京考職辭去職務民國初元浙民政長將移南田縣治石浦割象邑東溪以下地爲所轄境縣議會公推先考爲代表至省請願力爭民政長仍執前議遂入京上書參眾兩院陳不可分割之理由乃令省議會

調查議復而後象山區域得免變更十一年受縣知事
李泚之聘任本縣志局總纂略采章氏實齋之議而變
通之閱四年成象山縣志三十二卷舉凡乾隆道光二
志之缺憾悉予補正其後十七年莊蘊寬鈕永建柳詒
徵諸先生又聘任江蘇通志編纂成方物金石二考蓋
其精治地理方志之學通國皆知故時賢爭相延攬云
今年本邑籌設公立醫院時先考已臥病念邑無醫院
病者必遠出求診諸多困難慨捐開辦費一千元以贊
其成身雖病劇不忘利濟此皆盡力於桑梓之事彰彰

在人耳目者也先考體質素強晚年亦屏補藥不御去
歲孟秋忽患便血之症國醫謂無生命危險今春病漸
加深延西醫診視斷爲腸炎療治經月未見大效又請
國醫治之雖精神如常而痛苦不少減彌留前兩月再
延西醫診治下藥止血精神漸佳不孝等以爲可慶復
元矣乃越數日而便血復來周身發腫精神日萎遂於
六月二十九日棄不孝等而長逝矣嗚呼哀哉以先考
之體質人皆望其壽登期頤如有清之王懷祖先生享
壽八十有九而孰知其年壽之止於此耶不孝兄弟昔

年隨侍在京曾遇危疾幸逢良醫得慶再生今春先考
病劇時初擬赴滬上著名醫院診治無錫丁仲祐先生
妹夫姜紹祖均力贊之乃卒因循未果以至不起是皆
不孝等侍養無狀玩忽所致其罪蓋擢髮難數矣嗚呼
痛哉先考之卒歲次戊寅距生於清同治三年甲子享
壽七十有五卽於七月五日暫厝家園不孝等苦出餘
生昏迷多忘謹述先考平生學行之大者以告當代立
言君子倘蒙錫之銘誄則不孝等世世子孫感且不朽
棘人陳慶麒稽顙泣述

棘人陳

慶麒

稽顙泣述

綴學堂叢稿目

十三經疏中疏

公羊傳舊疏考

孔賈經疏考

案卽異同評

讀左補義補

易以

齊詩表說

易古訓

周禮正義校補

易費氏學校注

儀禮圖刊誤

周書後案

已刊

論語徵知錄

已刊

詩毛氏學校注

爾雅講義

大戴禮記小箋

說文部首文說